



**LA CONDAMNATION**  
*de Monsieur Arnauld par luy-mesme &  
 par sa propre Declaration du 14. Mars  
 1644. opposée à la Protestation qu'il a  
 faite pardenant les Notaires du Chastelet de  
 Paris, contre la Censure de Sorbonne.*



A doctrine de Iansenius contenüe dans les cinq propositions extraites de son Liure, ayant esté condamnée comme heretique, & impie, par la Bulle de N. S. P. le Pape Innocent X. de tres-heureuse memoite, du dernier de May 1653. & par son Bref du 29. Septembre 1654. comme aussi par les Lettres & Declarations de Nosseigneurs les Euesques de France des 15. Iullet 165. 23. Mars 1654. & 10. May 1655. Les Iansenistes firent au commencement quelque mine de vouloit se soumettre, au moins n'osèrent il pas ouuertement resister à vn iugement si solennel de l'Eglise; mais comme cette soumission n'estoit point veritable, & qu'ils auoient toujours dans le cœur des sentimens tout contraires; il arriva que le sieur Arnauld ayant esté pressé de se declarer ouuertement sur quelques termes ambigus dont-il s'estoit seruy en sa premiere Lettre, il ne pût dissimuler plus long-temps ce qu'il couuoit en son ame; & oubliant le respect qu'il deuoit aux puissances de l'Eglise, il entreprit de soutenir dans vne seconde Lettre que le Pape & les Euesques s'estoient trompés, lors que par leur celebre Iugement ils condamnerent la doctrine de Iansenius contenüe dans les cinq propositions. D'où il concluoit que cette condamnation estoit iniuste, & que la doctrine de Iansenius deuoit estre tenue pour Catholique & Orthodoxe. Et passant encore plus auant, il a sösistenu non seulement cet Autheur contre l'authorité de l'Eglise, mais mesme il a taché de faire reuiure les heresies & les impietés contenües dans son Liure, & de renouueller sous des termes captieux la premiere

A

des propositions condamnées. Ce que Messieurs les Docteurs assemblés en Sorbonne ayans decouvert & reconnu, ils ont iugé qu'il estoit de leur deuoir d'arrester le cours d'un si pernicieux dessein & de fournir un antidote contre la malignité de ce venin, qui estoit capable d'infecter plusieurs esprits. C'est ce qu'ils ont fait par leur Censure du premier de Fevrier mil six cens cinquante six, laquelle on peut dire avec verité, estre l'une des plus authentiques & solennelles qui ayent esté iamais faites par cette illustre Faculté; soit que l'on considere le temps qui a esté employé pour la discussion des choses proposées; ou les discours plein d'erudition qui ont esté faits sur ce sujet, dont on a déjà veu quelques échantillons sous la Presse; soit aussi qu'on fasse attention au nombre & à la qualité des personnes qui ont autorisé cette Censure, à laquelle près de deux cens Docteurs ont souscrit, entre lesquels se voient les noms tres-illustres de plusieurs grands Prelats, qui ont assisté aux assemblées tenues en Sorbonne; & fortifié de leurs doctes & sages aduis les resolutions que l'on y a prises. Et ce qui doit encore donner un respect particulier pour tout ce qui a esté resolu & attesté dans ces assemblées, c'est qu'elles ont esté pour la plus part honorées de la presence de Monseigneur le Chancelier, lequel estant le Chef de la Iustice & representant la personne & la puissance du Roy, a fait paroistre en cette occasion son zele infatigable pour le bien de la Religion & de l'Estat, ayant ttes-souuent quitté ses grands & importants emplois pour se trouver aux deliberations de ces assemblées & dissiper par sa presence & par son autorité tous les troubles que les aduersaires de la verité taschoient d'y exciter, ce qui autrefois a esté pratiqué par plusieurs Empeereurs & Princes Souuerains, lesquels se trouuoient presens dans les Conciles, ou bien y enuoyoit les premiers & plus considerables de leurs Ministres, pour empescher les desordres que les heretiques s'efforçoient d'y apporter, & donner protection & main-forte aux deliberations & resolutions de l'Eglise.

On eseroit que cette Censure obligeroit le sieur Atnauld à tendre les armes de son obstination; mais comme le mal dont-il est trauaillé est d'une cure tres-difficile, il est arriué que ce remede, quoyque tres-souuerain en soy, au lieu de le guerir n'a fait que l'aigrir & l'irriter dauantage; de telle sorte que rant s'en faut qu'il se soit humilié & soumis à ce iugement si authentique & si solennel, qu'au contraire il s'est esleué avec plus d'audace, & foulant aux pieds le respect & la deference qu'il doit à cette illustre Faculté, comme à sa mere; par une entreprise autant temetaire qu'elle est sans exemple, dans une affaire ou il ne s'agit que de religion & de foy, il s'est allé

pouruoir par-deuant des Notaires du Chastelet de Paris, & ayant fait entre leurs mains vne protestation injurieuse non seulement à la Sorbonne, mais aussi aux puissances tant Ecclesiastiques que Politiques, il l'enuoya signifier avec mespris, par vn Sergent à verge, aux principaux Docteurs de cette Faculté. Apres quoy ledit sieur Arnauld & les autres Iansenistes ont pris tant de complaisance en cette protestation, qu'ils l'ont fait imprimer, & en ont distribué & enuoyé vn tres grand nombre d'exemplaires de tous costés.

Or quand il n'y auroit autre chose que la presumption insupportable que le sieur Arnauld à fait paroistre en ce procedé, cela suffiroit pour le faire tres-justement improuuer & condamner par tous les Catholiques : lesquels ne scauroient voir sans horreur qu'un particulier ose s'éleuer au dessus des Docteurs, des Euesques & mesme de N. S. P. le Pape; les taxer tous d'aveuglement, d'ignorance, & d'iniustice; preferer son sentiment à celuy de toute l'Eglise; & malgré les Anathemes & les Censures, s'opiniastrec à soutenir des impietés & des heresies condamnées, & les vouloir faire passer pour les plus constantes verités de la foy. Certes les plus simples & les moins éclairez d'entre les Catholiques peuuent facilement connoistre que cette protestation du sieur Arnauld est non seulement tres déraisonnable, mais qu'elle combat directement les premiers principes du Christianisme, qui nous obligent indispensablement d'obeir à l'Eglise, & de nous soumettre à son iugement, en ce qui regarde la foy & la religion, quand elle nous parle par l'organe de N. S. P. le Pape & de Nosseigneurs les Euesques.

Mais pour conuaincre encore plus fortement le sieur Arnauld sur ce sujet, il ne faut que l'opposer luy-mesme, à luy mesme; & luy faire lire sa propre condamnation, dans vne autre protestation bien plus authentique qu'il fit il y a quelques années, lors que la lumiere de la verité n'estant pas encore entierement obscurcie dans son esprit, il se professoit sincerement soumis au iugement de nostre S. P. le Pape & de Nosseigneurs les Euesques; & que reconnoissant la Faculté de Theologie de Paris, pour sa bonne mere, il promettoit de rendre vne parfaite soumission & obeyssance à ses decrets. C'est pour ce sujet qu'on a iugé à propos de donner au public cette premiere protestation, dans les mesmes termes Latins & François qu'elle a esté conceüe par ledit sieur Arnauld, & d'ont l'Original écrit & signé de sa main, est entre les mains d'une personne de grande Pieté.



**C**um solius veritatis amore, & iunandarum animarum studio (ut Deum qui veritas est sancte possum obtestari) librum de Frequenti Communione scripserim: Ita nunc, tam sincere quam libere, coram Deo iurare possum, me librum illum Sancta Romana Ecclesia, Summiq; Pontifici, quem ut supremum in terris Christi Vicarium cum universo orbe Christiano veneror, eique me, meaque omnia libens submitto; Catholicorum omnium Episcoporum, quos ut Patres suspicio & celo; Illustrissimi Archiepiscopi Parisiensis, cui obedientiam quam vovi in omnibus semper exhibebo; Facultati Theologicae matris meae, qua me semper observantissimum & amantissimum habebit, iudicio subicere, semperque subiecisse. Et sicut me, Deo largiente, nulla unquam vel temporalium bonorum cupiditas, vel malorum formido, à veritate amplectenda suadèque deterrebunt: Ita nec pertinax & contentiosus, privata opinionis amor eò me adducet unquam, ut vel tantillum recedam ab obsequio atque observantia quam deo & propense animo reddam semper Ecclesia, cuius potestatem atque auctoritatem à Christo ipso manantem, & ad nos usque continua seculorum serie transmissam, & ultimum ad mundi consummationem usque transmittendam in omnibus ipsis Pastoribus & Censi-

**C**omme ie puis iurer solennellement devant Dieu, qui est la Verité mesme, que ie n'ay composé le Liure de la Frequente Communion, que par le seul amour de la verité, & le desir du salut des ames; le puis protester aussi devant sa diuine Majesté, par le seul mouvement libre & volontaire de ma conscience, que ie le soufmetts du fond de mon ame, ainsi que ie l'ay tousiours soufmis, au iugemét de l'Eglise Romaine; De nostre S. P. le Pape, que ie reuere, avec tous les Fideles, comme le souuerain Vicaire de Iesus-CHRIST en terre, & auquel en cette qualité ie remets de tout mon cœur, & ce qui concerne ma personne, & ce qui regarde mes sentimens; De tous les Euesques Catholiques que ie respecte comme mes Peres; De Monseigneur l'Illustrissime Archeuesque de Paris, à qui ie rendray tousiours en toutes choses l'obeissance que ie luy ay vouée publiquement; De la Faculté de Theologie, que j'honore comme ma Mere, Et pour qui j'auray toute ma vie vn tres humble respect, & vne tres ardente affection. Et comme j'espere avec la grace de Dieu, que ny le desir des biens, ny la crainte des maux tēporels, ne m'empescheroat iamais de defendre la verité: Aussi l'amour opiniaistre de mes propres sentimens ne me fera iamais oublier ou bleffer en la moindre chose, l'obeissance & la soumission parfaite que ie dois; & que ie veux tousiours rendre à l'Eglise; dont ie reconnois & reuere la puissance & l'autorité, qui est celle de Iesus-CHRIST mesme, comme estant vne, & également inuiolable dans la succession de tous ses Pasteurs & de tous les Conci-

les, depuis le premier siecle iusques au  
siecle present, & depuis aujourdhuy ius-  
ques à la fin du monde. FAIT à Paris  
le 14. iour de Mars, 1644.

*Un vnus dique inuictibilem  
amplector & veneror. D. A-  
TVM Parisiu die decima  
quarta Martij, anno millesimo  
sexcentesimo quadragesi-  
mo quarto.*

ANTOINE ARNAUD.

ANT. ARNAULD.

Voilà quels estoient alors les sentimens du sieur Arnaud, mais à  
present, *quantum mutatus ab illo*, combien paroist-il changé ? mais  
combien est-il contraire & opposé à luy-mesme ? Déplorez (Le-  
cteur Catholique) vne telle metamorphose, & vn si funeste chan-  
gement; mais considérez avec estonnement les oppositions & an-  
titheses qui se rencontrent entre ces deux protestations.

La premiere est faite solennellement deuant Dieu, comme deuant  
celuy qui est la verité mesme; & ce, lors que ledit sieur Arnaud  
n'estoit porté (comme il dit) que par le seul amour de la verité:  
Mais du depuis ayant quitté cette tramontane pour suiure les éga-  
remens de son esprit, on ne doit pas trouuer estrange s'il destourne  
ses yeux du Principe de la verité, & si maintenant il fait ses protesta-  
tions en matiere de foy, deuant des Notaires du Chastelet de Paris,  
quittant le tesmoignage de Dieu, pour prendre celuy des hommes,  
qui sont (suiuant le dire du Prophete) tous sujets au mensonge.

Par la premiere protestation, ledit sieur Arnaud se soumet & tous  
ses sentimens au iugement de nostre S. Pere le Pape, qu'il reuere  
comme le souuerain Vicaire de IESVS-CHRIST en terre: & par  
la seconde, il pretend iustifier vn escrit, dans lequel il soutient que  
le Pape s'est trompé, quand il a déclaré par sa Bulle, & par son Bref,  
que les propositions par luy condamnées estoient de Iansenius, &  
qu'en icelles il auoit condamné la Doctrine de Iansenius.

Par la premiere, il proteste que l'amour opiniastre de ses propres  
sentimens, ne le fera iamais oublier ou blesser en la moindre chose  
l'obeissance & la soumission parfaite, qu'il doit & veut tousiours  
rendre à l'Eglise: & par la seconde, il veut soutenir opiniastrément  
son sentiment particulier, contre le iugement du Pape, des Euesques  
& des Docteurs de l'Eglise.

Par la premiere, il reconnoit pour ses iuges & pour ses peres tous  
les Euesques Catholiques, & proteste de se soumettre à leur iuge-  
ment avec respect: & par la seconde, il ne les reconnoist plus, ny  
pour iuges ny pour peres, & pretend soutenir le contraire de ce qui  
est porté dans leurs declarations, touchant les propositions condam-  
nées de Iansenius, & mesme il veut iustifier ce que quelques-vns des

B

Docteurs ses adherans, ont insolemment dit & fait contre le respect qu'ils deuoiẽt à ces grands Prelats, qui ont honoré les assemblées de Sorbonne de leur presence.

Par la premiere, il se soumet au iugement de Monseigneur l'Archeuesque de Paris, auquel il promet rendre l'obeissance qu'il luy a publiquement vouée: & par la seconde, il decline sa iurisdiction, & se pouruoir pardeuant des personnes Laiques en vne affaire où il ne s'agit que des choses de Religion & de Foy.

Enfin par la premiere, il declare qu'il honnore la faculté de Sorbonne comme sa mere, qu'il aura toute sa vie pour elle vn tres humble respect, & vne tres ardente affection: & par la seconde, il se pouruoir contre cette Illustre faculté pardeuant des Notaires, il proteste de nullité de tout ce qui s'est fait dans ses plus celebres Assemblées, & de se pouruoir à l'encontre ainsi & quand il le trouuera bon estre; & fait signifier sa protestation ainsi faite, par vn Sergent à verge du Chastelet de Paris.

Voyant donc vne telle opposition & contrariété entre ces deux protestations, qui est-ce qui eust peu croire, que toutes les deux fussent d'une meisme personne? Mais qui est-ce qui ne se fust persuadé que cette seconde protestation eust esté supposée malicieusement par les ennemis dudit sieur Arnaud, si luy-mesme ne l'eust rendue publique & manifeste, non seulement par la signification qui'en a esté faite de sa part: mais meisme en la faisant imprimer & respendre de tous costez.

Il y a encore vne Antithese entre ces deux protestations, qui pourroit aucunement seruir, sinon pour iustifier, au moins pour diminuer en quelque façon la faute commise par ledit sieur Arnaud; c'est que dans la premiere, il declare qu'il l'a faite par le seul mouuement libre & volontaire de sa conscience: Mais pour ce qui est de la seconde, il y a grande raison de croire, qu'elle luy a esté suggerée par des mauuais Conseillers; ou bien qu'elle a esté exprimée plutost par la violence de la douleur qu'il ressentoit de se voir censuré, que par vne meure deliberation: ce qui fait esperer que comme les choses violentes ne sont pas de durée, aussi que ces premiers mouuemens estant passez, ledit sieur Arnaud reuiendra à son premier sentiment, & se soumettra sincerement à Nostre Saint Pere le Pape, à Nostreigneurs les Euesques, & à Messieurs de la faculté de Sorbonne; ce que tous ceux qui ont vne vraye charité pour luy, souhaitent & demandent à Dieu de toute leur affection.